



Davviriikkaid ministerráđđái  
Norgga, Suoma ja Ruoŋa oahpahusministeriidda

## **Guoská Davviriikkaid ministtarráđi plánaide rievdadit dutkandoaimma ruhtadeami Sámi allaskuvllas**

Sámi parlamentáralaš ráđđi mii lea Suoma, Ruoŋa ja Norgga sámedikkiid oktasaš parlamentáralaš ovttasbargoorgána, sádde dán ávžžuhusa Davviriikkaid Ministtarráđđái ja Suoma, Ruoŋa ja Norgga ráđđehusaide.

Sámi parlamentáralaš ráđđi diehtá ahte Davviriikkaid Ministtarráđđi lea evalueremin juolludusaidis viđa davviriikkalaš ovttasbargoorgánii dutkamis, maiddái sámi dutkama Sámi allaskuvlla bokte. Jagi 2017 rájes evttohuvvo rievdadus mii mielddisbuktá ahte Davviriikkaid Ministtarráđi orgána NordForks, váldá badjelasaš juolludusaid hálddašeami. Dat mearkaša dan ahte juolludus mii juohke jagi addojuvvo sámi dutkamii Davviriikkaid Ministtarráđi bokte loahpahuvo, ja ahte ruđaid alde gártá gilvalit ohcamušaid bokte.

Sámi parlamentáralaš ráđđi ballá ahte dát rievdadus fuonida dutkandoaimma eavttuid Sámi allaskuvllas. Dutkandoaimmaid rámmat rievdaduvvojit ollásit ja einnostahttivuohta nohká. Osiid kapasitehtas ferte danne eará láhkai geavahit bargui ohcamušaiguin, mii dagaha ahte fágalaš aktivitehta fuotnu. Dutkanbiras Sámi allaskuvllas lea unni ja rašši – danne leat einnostahtti rámmat eaktun stabiila dutkandoaimma ovddideapmái.

Sámi dutkamis ii leat mearkašupmi dušše sámi servodagaide Suomas, Ruoŋas ja Norggas, maiddái majoritehta servodat davviriikkain oažžu ávkki dutkamis maid Sámi allaskuvla čađaha. Danne bivdáge Sámi parlamentáralaš ráđđi ahte Davviriikkaid Ministtarráđi ja Suoma, Ruoŋa ja Norgga ráđđehusat bisuhit juolludusa sámi dutkamii Sámi allaskuvllas, dáláš dásis mii lea birrasii 7 000 000 ru.

Dearvvuodáiguin/Med hilsen

Tiina Sanila-Aikio  
president  
Samisk parlamentarisk råd  
+358 50 3001780